

الدرس الأول سورة العنكبوت

السلام عليكم ورحمة الله وبركاته الحمد لله وكفى وصلاة وسلاما على عباده الذي إصطفى اللهم لك الحمد كله ولك الملك كله وبيدك الخير كله وإليك يرجع الأمر كله اللهم صلي على عبدك ونبيك محمد صلى الله عليه وسلم في الأولين والآخرين والملا الأعلى إلى يوم الدين أما بعد:

إخواني وأحابي في الله المعهد القرآني إنهارده بإذن الله بداية هذه المادة يشترك فيها طلبة سنة أولى مع طلبة سنة ثانية يبقى سنة أولى وثانية معنيين بهذه المادة التي بتدرس في سنتين المعهد بإذن الله

مادة الليالي القرآنية يعنى هي فكرتها إيه؟

جلسة قرآنية ,

إمال سمينها ليالي قرآنية ليه؟

لأن المفروض هكلم عن الآية أو السورة اللي هنكلم عنها هتقومي وهتقوم تصلي بيها قيام ليل وتعيش معاها لأن إتقنا يا جماعة إن دا معهد تربوي بنائي مش تحصيل معلومات وفقط إن شاء الله بإذن الله هذه المادة من ضمن المواد في المعهد يعنى من ضمن التفوق والنجاح والسقوط يعنى الكلام اللي بقوله هيتفرغ وهدأكروه وهتمحنوو فيها زيها زي مادة تفسير جزء الثلاثين زي مادة فن الدعوة بإذن الله سبحانه وتعالى إنهارده يا جماعة هنكلم عن سورة العنكبوت إن شاء الله وقبل ما ندخل سورة العنكبوت لأن إحتمال تاخذ مننا عدة مرات مش مرة واحدة لأن عايز أخذ وقفات مع هذه السورة العظيمة واللي الإسم بتاعها نفسه بيوحى بتفاصيل في غاية الدقة العنكبوت وشبكة العنكبوت العنكبوت دا بيقولك إنت مستهدف إنتي مستهدفة في شبكة كاملة معمولة عشانك إنت وعشانك إنتي واللي بيوقع فيها بيتحقق حقن سم وممكن تيجي تقذ شاب وقع في خيط العنكبوت يقولك إبعد عني يا إرهابي إنت عايز إيه؟ خلاص إتجند بقى من جنود الباطل والعياذ بالله

سورة العنكبوت يا جماعة أولها إثنين شاب إلتزم وتاب ولكن لسه بيحسبها

غلط وشاب تايه وضايع وبرده حاسبها غلط

الشاب اللي إلتزم وتاب ربنا بيقوله (أحسب الناس أن يتركوا) إنت حاسبها

غلط إنت بتحسب إن إنت أول ما تقول إلتزمت خلاص هتترك من غير

إمتحانات يختبرك الله بيها ثباتك وثباتك على الإلتزام والشاب اللي تايه وحسبها غلط

(**أم حسب الذين يعملون السيئات**) الشاب اللي تايه وبعيد عن ربنا وقاعد يعمل السيئات يعملون مضارع يفيد الإستمرار قاعد مستمر على المعاصي هو يحسب هو هيسبق ربنا هي مسابقة هي خطفايه هيخطفها من الخزائن وهيجري من خزائن ربنا وهيجري مش هياخذ حاجة غصب عن ملك الكون سبحانه وتعالى وملك الخزائن سبحانه وتعالى يبقى (أحسب الناس) (أم حسب الذين يعملون السيئات) إثنين حسبوها غلط سورة العنكبوت بتكلم برده عن إثنين بتكلم عن ملتحي ومنتقبة بس حسبينها غلط ملتزم وملتزمة بس حسبينها غلط أعداء الدين اللي إنتو حسبينها غلط ملتزم وملتزمة (**أحسب الناس**) طب يارب ليه مقولتش أحسب الذين آمنوا رغم إن العنكبوت مكية نازلة لأبو بكر وعمر والصحابة يارب مكنش فيه في وقتها غير مؤمنين والسورة بتكلمهم.

ربنا ليه سماهم الناس مقلش الذين آمنوا؟ لأنه لن يثبت لك لفظ الإيمان ولن يثبت لك لفظ الإيمان عند الله إلا لما تتعرضي للإمتحانات وفتن الطريق إلى الله وتثبتي وتفضلي جنديّة من جنود ربنا وتفضل خالص لله سبحانه وتعالى .

(**أحسب الناس أن يتركوا أن يقولوا آمنا وهم لا يفتنون**) دا رسالة لكل ملتحي ومنتقبة إنتو فاكرين إن الدين كلام ولا إيه؟ إنتو فاكرين إن الإلتزام دعاوى ولا إيه؟ فين الدليل إنك إنسانة صادقة دي رسالة برده لأعداء الدين إنكو حسبينها غلط.

(**أم حسب الذين يعملون السيئات أن يسبقونا**) يعملون السيئات أن يسبقونا ربنا بيقول لن تنتصروا على الله مش هتسبقوني مش هتسبقوني لو إنتصرتم على أهل الدين وعلى الدعوى الإسلامية لن تنتصروا على صاحب هذا الدين أبداً مهما عملتم بداية يا جماعة عشان يبقى عندنا منهج لأن إحنا إلوقتي بنكلم في شئ منهجي في عمل منهجي في مادة منهجية المنهج بتاعنا في مادة الليالي القرآنية ونحن نتحدث عن آية...

خدوا بالكم لما نبدأ في الجزء الثلاثين إن شاء الله يوم الإثنين القادم بإذن الله هنبداً سورة الإفطار بإذن الله لما هنبداً الجزء الثلاثين هنتألف بقى باقي

الشوط بتاعنا بإذن الله هنتعامل بنفس المنهج

إيه المنهج اللي بعد كدا هنتعامل بيه مع أي سورة مع أي آيات بإذن الله

سبحانه وتعالى؟

*النقطة الأولى هنتكلم عن زمن نزول السورة وعلاقتها بالسيرة النبوية دا

منهج ثابت.

يعني إيه علاقتها بالسورة؟ يعني سورة العنكبوت هنقول الأول هي نازلة إمتة ليه؟ هو يفرق إني أعرف هي إني أعرف هي نازلة إمتة؟ أه طبعا يفرق فرق مهول فرق مهول ليه؟ العلمانيين عايزين يعزلوا الدين عن الواقع؟ فعزل النص عن الواقع هو دا هدف العلمانيين أصلا خلاص , فلو أنا عزلت النص القرآني عن الواقع اللي هو نزل فيه مفهمتش دي نازلة إمتة؟ دا يؤدي إننا هعزل النص من باب أولى عن الواقع بتاعي وهذا ما يتمناه العلمانيون وأعداء الدين ,لازم أفهم الواقع اللي نزلت فيه السورة من خلال إننا أعرف زمن نزول السورة إيه؟ .. المعارج مثلا المعارج نازلة إمتة؟ السور الأولى خالص المرحلة الجهرية لما أعرف كدا أقول آه السورة اللي بتتكلم عن عروج الكون إلى الله وإن الوصول إلى الله عايز سلم تترقي فيه درجة بعد درجة يبقى خطوة بعد خطوة وبتقولك الطريق خطوات مينفعش تسيبي خطوة من خطوات الطريق مينفعش تسيب خطوة من خطوات الطريق يبقى لما أعرف دا أعرف إن في بداية المرحلة الجهرية لازم علو الهمة ولازم رفع همة الأخوة ولازم أحسسهم إن الهدف عالي ولازم أعالج الطمع اللي عند الأخوة والإستعجال إنهم عايزين يوصلوا لربنا بسرعة ويوصلوا لليقين والإيمان والقيام التلت ساعات والبكاء في الذكر والبكاء في القرآن بسرعة لاااا يا جماعة دا سلم لازم تصبروا على السلم واحدة واحدة يبقى لما أعرف إن سورة النبأ من أول السور اللي نزلت في الدعوة الجهرية دا هيخليني أفهم إن دا هيديني الجولات اللي النبي نزل كلم الناس فيها في الشارع لما هاجي هنزل أكلم الشباب في القهاوي هستخدم سورة النبأ والنازعات اللي من أوائل السور في المرحلة الجهرية وهفهمهم كويس عشان أستخرج مرحلة على فين يا شباب ؟ والتعامل مع الشاب اللي مش عايز يلتزم ولا عايز يوصل لربنا عشان كدا الأخوة اللي بينزلوا جولات لازم يدرسوا سورة النبأ وسورة النازعات عشان يعرفوا أهم المواضيع اللي هيكلّموا فيها إيه؟ يبقى أول نقطة هنكلم عن سبب نزول السورة وعلاقتها

بالسيرة النبوية

*النقطة الثانية الترابط الموضوعي للسورة , يعني إيه الترابط الموضوعي ؟

*النقطة الثالثة الترابط الموضوعي إيه الموضوعي والموضوعي؟؟

الموضوعي موضعها في المصحف فين؟ بعد القصص يبقى إيه علاقتها بالقصص؟ وقبل الروم إيه علاقتها بالروم؟ وهي تبع شوط الم المكي يبقى إيه علاقتها بالم المكي؟ وفي شوط ثاني إسمه الم المدني اللي هو البقرة وال عمران يبقى إيه علاقة الم المكي اللي هي العنكبوت وروم ولقمان والسجدة بالم المدني اللي هي البقرة وال عمران ؟ مادام الفواتح المشتركة يبقى الموضوعي في ترابط وثيق وخطير يبقى إذن يا جماعة إيه علاقة السورة بكل السور اللي حوالها؟ دا إسمه الترابط الموضوعي إنك تفهمي موضع السورة فين؟ يعني مثلا على سبيل المثال سورة ق أنا بجبلكوا أمثلة عشان هسقط لكو الوقتي على اعنكبوت بداية و كل سورة عشان إخوانا وأخواتنا اللي هيفرغوا الكلام دا إنتي هتفرغي الأول زمن السورة 2 الترابط الموضوعي 3. الترابط الموضوعي 4مقاصدها وأهميتها 5اسم السورة وعلاقتها بموضعها

الترابط الموضوعي زي سورة ق مثلا في شواهد قوية جدا إن سورة ق نازلة

في عام الحزن طب السورة اللي قبل ق إحنا بنكلم في الترابط الموضوعي علاقتها بالسور اللي حوالها موضعها إتحتت في وسط السور دي ليه؟ طب السورة اللي قبلها سورة الحجرات سورة الحجرات نازلة إمتة؟ في عام الوفود يبقى الوفود 9 هجرية عام الوفود دا أسعد سنة في الإسلام أسعد سنة الدنيا كلها جايه تسلم إنما عام الحزن دا أسود سنة في تاريخ الإسلام محدش عايز يدخل في الدين والنبي في غاية الأذى عليه الصلاة والسلام فتخلي لما ربنا يجيب سورة نازلة في أسعد سنة بعدها سورة نازلة في أسود سنة طب ليه؟ كأن في سورة الحجرات والمؤمنين فرحانيين بالمجد اللي ربنا حققه لهم ربنا بيقول لهم إفتكروا أيام ما كنتو مضطهدين محاربين إوعوا تنسوا اللي ثبتكوا في هذه الأيام هو القرآن عشان كدا سورة ق بدئه (والقرآن المجيد) إوعوا تفتكروا إن الأمجاد اللي إنتوا وصلتو لها غير بالقرآن المجيد القرآن صاحب الأمجاد إوعوا تسيبوا القرآن وإوعوا تسيبوا التربية وإفتكروا الأيام الأولى .

*النقطة الثالثة اللي هنكلم فيها في أي سورة الترابط الموضوعي

يعني إيه الترابط الموضوعي؟ يعني إيه موضوع سورة العنكبوت يا

جماعة؟ يعني سورة العنكبوت بتكلم عن إيه؟ زي ما إحنا عارفين زي ما سمعنا كدا (أحسب الناس أن يقولوا آمنا وهم لا يفتنون ولقد فتنا الذين من قبلهم) يبقى سورة العنكبوت دي موسوعة الفتن اللي بتقابل الملتزمين والملتزمات في طريق الدين وإن مينفعش أي فتنة منهم تصرفهم عن طريق الدين وتصرفهم عن الدعوة إلى الله مهما كانت الفتن مهما كان الحرب عليكي في بيتك مهما كان السخرية عليك من أحسابك مهما كان ظلم أهل الباطل وتهدهم للملتزمين مهما كان رفض المجتمع للإلتزام مهما كانت الضغوط الحياتية اللي إنتو عايشين فيها مينفعش نسيب الطريق الوصول إلى وبيئة الإيمان والصحة الصالحة وطلب العلم وحضور دروس الإيمان في بيئة الشحن والدعوى إلى الله والنزول للناس إن دا الثبات دا فرض وليس فضل يبقى دا الترابط الموضوعي السورة نفسها بتكلم عن إيه؟ يعني سور القرآن كل سورة ليها شخصية عن الثانية زي بالظبط إنت ليك 114 صاحب مسجل أرقامهم على الموبايل لو أنا سألتك عن إصحابك هتكلمني عن كل واحد ساعة وعن المزايا اللي بتميزه عن أي إنسان تاني كذالك سور القرآن رغم إن كلهم بشر كلهم بيشتروا إن كلهم بشر كلهم عندهم عينين وإيديين ورجلين ولسان ومخ ولكن كل واحد منهم مميز تماما في شخصيته وصفاته أهوو بالظبط كدا سور القرآن أكنهم 114 صاحب كل واحد منهم له شخصيته وصفاته وله ملمحه غير التاني خالص طيب بعد كدا هنكلم بإذن الله تعالى عن

*النقطة الرابعة أهداف السورة ومقاصد السورة

السورة تريد إيه؟ يعني سورة العنكبوت مرادها منك إيه؟ لو إنت عملت إيه يبقى إنت حققت مقاصد سورة العنكبوت في حياتك؟؟ ثم ندخل بقى يا إخوانا

*النقطة الخامسة إسم السورة وعلاقته بموضوعها

وأسماء السور إعجازية؟ آه أسماء السور إعجازية أسماء السور توقيفية يا جماعة يعني أسماء السور دي محدش من الصحابة سماها كدا من دماغه يعني محدش من الصحابة سماها العنكبوت هي كدا أوحى بيها إسمها سورة

العنكبوت تمام يا جماعة أسماء السور توقيفية إعجازية يبقى علاقة إسم السورة بموضوعها؟ أه كل سورة إسمها له علاقة بموضوعها وإعجاز القرآن إعجاز أسماء السور وندخل بقى في التعليقات على السورة وعلى آيتها والشرح طبعا سورة العنكبوت هناخذ المقدمة بتاعة السورة والخاتمة واللي في نص السورة هنعلق عليه تعليقات سريعة ولكن اللي إحنا هنركز عليه في الشرح هو بداية السورة وخاتمة السورة اللي مركزة على كم كبير جدا من الفتن تعالو بقى منسبقتش الأحداث منسبقتش الكلام تعالو بقى بدء مع هذه الرحلة الماتعة مع سورة العنكبوت مع هذه السورة العظيمة ونشوف السورة دي بتكلم عن إيه؟ والإعجازات اللي فيها إيه؟ والمقاصد اللي نخرج بيها من سورة العنكبوت إيه؟

أول نقطة زمن سورة العنكبوت وعلاقتها بالسيرة النبوية

زمن سورة العنكبوت إختلف فى زمن سورة

العنكبوت

القول الأول :

إن سورة العنكبوت آخر سورة نزلت في مكة آخر سورة نزلت في مكة ، يعني إيه آخر سورة؟ يعني السور المكية حوالي 90 سورة القرآن 114 سورة والمدنية حوالي 24 سورة القرآن المكي بيمثل تلتين المصحف والقرآن المدني بيمثل تلت المصحف القرآن المدني 214 صفحة والمصحف 616 صفحة القرآن المكي ضعف القرآن المدني ، طب ليه القرآن المكي أكبر من القرآن المدني؟ أول حاجة فترة مكة دي 13 سنة ودي 9 سنين أو 10 سنين تاني حاجة لأن مكة كانت بيئة شحن إيماني وزرع معاني الثبات فكان لازم معاني كثير في الفترات العصيبة إنما في المدينة المنورة كانت فترة جهاد وبناء وتشريعات فكل آية في المدينة بحكم وتكليف ومهمه في الواقع تخيلوا بقى لو كانت الآيات المدينة أكثر من كدا ممكن المسلمين ميقدروش يستحملوا كل هذا الكم من التكاليف .. فعشان كدا معدل نزول القرآن المكي سطر ونص يوميا على مدى 13 سنة معدل نزول القرآن المكي سطر ونص يوميا معدل نزول القرآن المدني سطر يوميا دي معلومات

مبدأية كذا إخواني (في الله ,يبقى سورة العنكبوت آخر سورة نزلت في مكة
دا القول الأول آخر سورة نزلت في مكة يبقى دا معناه إيه؟ ربنا بيقول (ولقد
فتنا الذين من قبلهم) السورة اللي بتكلم عن الفتن تبقى آخر سورة دا معناه
إيه؟ معناه يا إخواني إن الفتن فضلت في مكة لأخر لحظة معناه إن المؤمنين
ظلوا يفتنوا في دينهم لأخر لحظة معناها ربنا بيقول) **أحسب الناس أن
يتركوا أن يقولوا أمنا وهم لا يفتنون (مش وهم لم يفتنوا , وهم لم يفتنوا
معناها إن ربنا هيمنتك إمتحان عدتي خلاص بقيتي مؤمنة , لكن وهم لا
يفتنون , لا يفتنون مضارع يفيد الإستمرار يعني هتفضلي تفتني طول عمرك
ربنا هيفضل يديكي إمتحانات طول عمرك طول ما إنت ماشي في الطريق
ربنا هيظل يمتحك زي حديث النبي عليه الصلاة والسلام) تعرض الفتن
على القلوب عودا عودا) في قرأة عودا عودا ورا بعضه ورا بعضه هي كل
مرة هتلبس لبس غير التاني وهتيجي بشكل غير التانية وهتيجي بنقاب غير
التانية ولكن هي نفس الفتنة هي نفس المغريات يبقى إذا معنى إن سورة
الفتن تنزل آخر سورة في مكة إن الصحابة فضلوا 13 سنة في القرن بتاع
الفتن وثبتوا لحد النهاية يبقى دي بطولات الصحابه عن .. صبرتوا إنتو أد
إيه يا جماعة ؟ صبرتوا إنتو إد إيه؟ يعني المرحلة المكية عند الصحابة 13
سنة في آية 14 (ولقد أرسلنا نوحا إلى قومه فلبث فيهم ألف سنة إلا
خمسين عاما) يعني المرحلة المكية عند سيدنا نوح 950 سنة إنتو يا
جماعة إستحملتوا إيه؟ إنتو أوديتو في دينكو إيه؟ إنتو إستحملتوا إيه؟ دا
الملتزمة اللي أهلها بيضغظوا عليها سنة بتقول دا أنا يعني المفروض
يعملولي تمثال من ثباتي إمال يا جماعة الصحابة اللي إتفتنوا كل هذه
السنين وفرض عليهم إنهم ميحلقوش دقنهم إنهم يشتغلوا في الدعوة يظلوا
يكافحوا من أجل نصره دين الله سبحانه وتعالى دا القول الأول في زمن
النزول في آخر سورة في مكة**

القول الثاني في زمن النزول

أنها نزلت في وقت الهجرة إلى المدينة يعني نزلت في الطريق ما بين مكة
والمدينة والنبي مهاجر.. طب دا معناه إيه؟ دا السورة اللي بتقول للصحابة)
أحسب الناس أن يتركوا أن يقولوا أمنا وهم لا يفتنون (صحابة خايفين
يهاجروا بيقولوا هنروح المدينة نعمل إيه؟ هناكل منين في بلد ملناش فيها

حد؟ وهنسيب مكة إزاي ومهددنا بالقتل والسجن والإعتقال لو إحنا إتمسكنا وإحنا بنهاجر من مكة للمدينة؟ هنعمل إيه؟ وهنروح فين؟ فسورة العنكبوت معنى إنها تنزل بعد ما النبي ساب مكة, أي مصلح في البشرية يا جماعة لما ربنا بيرزقة واقع جديد بيقول خلاص بقى سيبك من الناس القدام اللي وقعوا خلينا نبني من جديد.. ربنا بيقول للنبي لأ إوعى تفرط في ولا واحد من اللي لسه في مكة يعني النبي إدى للصحابة مهلة سنة كاملة يهاجروا لما النبي هاجر كانت المدينة بقالها سنة مفتوحة يعني لما النبي هاجر والصحابة اللي لسه موجودين دول بقالهم سنة ولسه مش عايزين يهاجروا يعني مشكلة كبيرة ومع ذلك ربنا بيقول للنبي إوعى تسبهم إوعى تبطل الخطاب التربوي ليهم إوعى تخسر واحد إوعوا تخسروا أخ من الآيات اللي بتزلزل قلوبنا كلنا قول الله (فتزل قدم بعد ثبوتها) المفسرين بيقولوا ليه ربنا قال قدم بالمفرد؟ ابن عاشور قال واحد بس ينتكس دي مصيبة المفروض يا جماعة نحرص على بعض ليكي زميلتك بتحضر معاك المعهد المرة الجاية ملقتهاش تسألني عنها ليك صاحبك بيحضر معاك المرة الجاية ملقتوش تسئل عنه الدرس الأسبوعي اللي بتحضره في المسجد ليكي واحدة صاحبتك ملقتهاش مرتين تسألني عنها يا جماعة أنا حريص عليكم لازم نخاف على بعض لازم نقاتل عشان بعض لازم نكافح عشان واحد واحد مننا هو دا الدين يا إخوانا النقطة الثانية إن أثناء الهجرة النبي بين مكة والمدينة هو وأبو بكر لوحدهم ومعزولين عن العالم ومحدث يعرف عنهم حاجة وفي جزء من الصحابة عرف يهاجر المدينة أو يهرب من مكة وفي جزء من الصحابة إتمسك على أبواب مكة وهو بيهاجر وإتقبض عليه وإتحبس وفي جزء من الصحابة في مكة كاتم إيمانه ومش عارف يعمل إيه؟ ومش عارف يخرج إزاي؟ وفي جزء من الصحابة في الحبشة مهاجر ليها وممكن ميعرفش إن في هجرة للمدينة أصلا حصلت لحد إلوقتي فالصف تمزق الصف متفرق الصف متعرض لإبتلاءات وإختبارات رهيبه ومتفرق يبقى إذن لو كانت التربية ممكن أن تتوقف لحظة كانت هذه اللحظة يارب إنت بتنزل على سيدنا محمد آيات يعمل بيها إيه؟ يارب هيوصل للي في المدينة ولا اللي في الحبشة ولا اللي في مكة ولا هيوصل لكل دول إزاي؟ لازم نشيل مسئوليتنا أنا إلوقتي بقولكوا كلام إنتو ملزمين إن كل الكلام دا يوصل للمتزمين والملتزمات على شبكة النت إنتو ملزمين إن كل أصحابكوا

في كل مكان وكل صحباتكو يوصلهم هذا الكلام لازم توصلوا الدين يا جماعة لازم الدين يوصل للجميع وإلا هنضيع يبقى لازم نحافظ على وحدة الصف والتواصل التربوي ما بين أبناء الصف مهما خسرنا يعني إيه؟ يعني إنتي قاعدة الوقتي بتسمعي معاني عن سورة العنكبوت والإلتزام المهول وإن الثبات فرض وإن الأخ اللي يخاف من أهل الباطل ويسيب الإلتزام دا منافق زي مالسورة بتقول السورة الوحيدة اللي ذكر فيها لفظ النفاق في القرآن المكي النفاق لم يذكر إلا في المدينة أول مرة في القرآن المكي في العنكبوت وقاعدة تسمعي معاني عالية ممكن تشحن قلبك ممكن تخليك عاوز تكسر الدنيا وفهمت معنى الإلتزام يارب وسورة العنكبوت فوقتني إنما في ملتزمين ولا يعرفوا حاجة عن الكلام اللي بنقوله دا يبقى دا يؤدي إن هيبقى في ملتزمين مستواهم عالي وملتزمين ضايعين تايهين يبقى الحل لازم نقاتل عشان المعاني التربوية تصل للجميع يبقى قتللكو في الأول لازم نقاتل عشان كل أخ وكل أخت منحسرهمش حريص عليكم لازم نكافح عشان كل الأخوة والأخوات تنضموا لبيئة الإيمان اللي إحنا بنحاول نعملها على شبكة النت عشان نقدر بإذن الله سبحانه وتعالى نستنقذ أنفسنا ونخرج للناس ندعوهم الحاجة الثانية لازم نقاتل عشان تربية الصف وعشان ضم الصف وعشان وصل الصف وعشان كل الصف على مستوى تربوي عالي.

طيب هنا هنوقف في نقطة في زمن النزول الثاني القول الثاني في زمن

النزول إنها نازلة في زمن الهجرة

هو أثناء الهجرة نزل آيات تانية إيه الأقوال اللي ذكر المفسرون أنها نازلة أثناء الهجرة؟ يلا إكتبوا معايا بقى المفروض إن كل واحد منكو معاه كشكوله وقلمة وبيكتب بيكتب إيه؟ الحاجات الأساسية لإن المعهد دا جد يا جماعة لأن في ناس سقطت يعني في ناس مش هتطلع سنة تانية ياما هيتعمل لها دور تاني ياما ترجع أولى تاني إحنا بنكلم في معهد منهجي جد بفضل ومنه الله اللهم لك الحمد من فضل الله علينا يبقى إذن يا إخوانا لازم يبقى معاكي كشكول وتكتبي وبعد كدا التفريغات بقى إنتي تفرغي وتسمعي الدرس تاني ولما تنزل المذكرات تذاكريها وهكذا وتذاكر من تفسير عشان الإمتحانات.

إيه السور والآيات التي نزلت أثناء رحلة الهجرة؟

1 آخر سورة القصص اللي هو قبل العنكبوت على طول , خدوا بالكو

القصص دي اللي قبل العنكبوت قوله الله (إن الذي فرض عليك القرآن لرادك إلى ميعاد) يعني والنبي عليه الصلاة والسلام خارج فالنبي حزين إنهم أخرجوه فربنا بيقوله متخافش القرآن اللي ثباتك عليه وتمسكك بيه كان سبب إنك خرجت هو هيبقى سبب إنك هترجع ومكة هيمكن للإسلام فيها أبشر الدين سينتصر ومكة ستفتح بوما ما أبشر يا محمد بن عبد الله يوما ما ستعود منتصرا إلى هذه البلد وهيبقى السبب هو القرآن زي ما كان خروجك هو القرآن طيب نزل إيه تاني في الطريق من مكة للمدينة ؟ نزل في سورة الأنفال , الأنفال؟ مش الأنفال بعد غزوة بدر؟ الأنفال كلها بعد غزوة بدر ماعدا قول الله (وما كان الله ليعذبهم وأنت فيهم) نازلة إمتة؟ نازلة في مكة دي نازلة في مكة ربنا بيظمن النبي طول ما إنت فيهم مش هعذبهم (وما كان الله معذبهم وهم يستغفرون) نازلة في الطريق من مكة للمدينة يبقى (وما كان الله ليعذبهم وهم يستغفرون) النص التاني من الآية دا نازل في الهجرة ليه؟ لأن النبي لما خرج قال خلاص ربنا هيعذبهم مادام أخرجوني فربنا قاله (وما كان الله معذبهم وهم يستغفرون) لسه في باب رحمة مفتوح الآية اللي بعدها (وما لهم ألا يعذبهم الله) دي نازلة بقى في المدينة يعني الآيتين ورا بعض نازلين في تلت أزمان مختلفة عن بعض سبحان الله وهذا من إعجاز القرآن يا جماعة ومن إعجاز ترتيب المصحف يبقى الآية الثانية اللي نازلة أثناء الهجرة (وما كان الله ليعذبهم وهم يستغفرون) يبقى (لرادك إلى ميعاد) تظمين النبي على هم الدين على إن الإسلام سينتصر يوما ما (وما كان الله معذبهم وهم يستغفرون) دا هم الناس بقى مش هم الدين هم إنقاذ الناس من النار إن ربنا بيظمن النبي لسه في باب رحمة مفتوح لهم وإيه كمان نازل أثناء الهجرة؟ وهم دول الهمين بتوع الداعية هم الدين وهم الناس , هم إن الناس تنقذ من النار وهم إن الدين ينتصر فنزلت آية بتظمن النبي على هم الدين وأية بتظمن النبي على هم الناس شوفوا الإعجاز يا جماعة ونزل كمان سورتين أثناء الطريق يقال إن السورة الأولانية سورة العنكبوت بتكلم النبي عن واقع مكة اللي هو سيبه إوعى تنسأهم إوعى مش معنى إنك روحت المدينة إنك ترمي الناس اللي بقالك 13 سنة بتربي فيهم ولكن بعضهم فتن فتنة عابرة هو مش قادر يهاجر راعيهم وتابعهم وإبعثهم رسائل تربوية لحد ما يهاجروا إوعى تفرط في أخ واحد إوعى تفرط في أخ واحد طيب والسورة الرابعة المطففين قيل إنها نزلت في

الطريق الهجرة من مكة للمدينة المطففين بتكلم على المجتمع المدني اللي
النبي كان لسه هيروح له لأنه كان أسوأ بلد في الغش التجاري قربنا من قبل
ما النبي يدخل المدينة نزل له المطففين عشان يقوله يأيها المربي يأيها
الداعية إوعى تنزل للناس وإنت معدكش خط سير
إوعى تدخل المدينة وبعد كدا تبدأ تدرس وتفهم إيه المدينة؟ لازم تنزل وإنت
عارف بالظبط المدينة دي إيه؟ وهتعلم إيه؟ والخطوة الأولى المسجد
والخطوة الثانية المأخاة والخطوة الثالثة الإصلاح الأخلاقي التطفيف في
الموازن اللي عند أهل المدينة لأن مينفعش ناس غشاشين يبنيوا الدين
هتفضلوا تبنيوا الدعوى وبسوء الأخلاق يهدموا كل اللي إنت بتبنيه يبقى يا
جماعة سورة العنكبوت بتقول للنبي إوعى تنسى مواقع مكة خليك معاهم
وتابعهم وسورة المطففين بتقوله خد بالك من واقع المدينة إستعد له
وإجهله لأن قدامك معارك تربوية كثيرة إيه دا يا جماعة دا؟ دي هجرة ولا
معركة يا إخوانا؟ إيه يا إخوانا دا؟ النبي بيهاجر ومهدد بالقتل وأمن دولة
الجزيرة العربية كله بيطارده عشان يقتله عشان عليه الصلاة والسلام
ومعهوش لا سيف ولا معاه أي حاجة وربنا بينزله تكاليف تكاليف خد بالك
من الناس اللي في مكة وخذ بالك من خط سيرك في المدينة إوعى يا أيها
الداعية تضيع عمر الناس اللي هتسلمك نفسها الداعية لازم يكون عنده خط
سير اللي يمشي وراه داعية يديه ويوصله لربنا مش يتوهه والأخ يلاقي
نفسه بعد خمس سنين من المشي مع فلان أو الداعية الفلاني أو طالب العلم
الفلاني تايه مخدش حاجة ليه؟ مفيش منهجية لازم الداعية يبقى عنده منهج
لازم المربي يبقى عنده منهج زي ما بنديكوا كدا في المعهد القرآني الدعوي
بحيث اللي بقاله 6شهور معانا بفضل الله خد حاجة اللي هيفضل كمان
6شهور هياخذ أكثر وهكذا يا إخواني في الله , يبقى عرفتوا السور اللي
نازلة في الهجرة؟ يبقى دا القول الثاني في زمن النزول.

القول الثالث في زمن النزول ودا قول قوي جدا برده

أنها نزلت في المرحلو الجهرية وطبعا ملامح المرحلة الجهرية اللي هي
بداية الدعوة خالص اللي هي بدايه الإصطدام بقى وتعذيب الصحابة اللي هي
بعد السرية على طول بعد مانبي طلع الأرقم وصرخ وهتف بالدعوة بدء
تعذيب الصحابة عشان يتخلى النبي عن النزول للناس ويرجعوا تاني يقفلوا

دار الأرقم عليهم ويقفلوا القنوات الإسلامية عليهم ويقفلوا المواقع الإسلامية عليهم (يأيها النمل أدخلوا مساكنكم) ملكوش دعوة بالواقع ولا ليكو دعوة بالناس ولا ليكو دعوة بالنزول للناس خليكو قاعدين في مساجدكو وقنواتكو ومواقع النت بتاعتكم وملكوش دعوة بالناس هتنزلوا للناس هنولعها عليكو نار لحد ما ترجعوا تاني فدي كانت المرحلة الجهرية النار الرهيبة اللي أوقدت على الملتزمين والملتزمات والفتن الرهيبة عشان كدا في آية 8 (ووصينا الإنسان بوالديه حسنى ولئن جاهداك لتشرك بي ما ليس لك به علم فلا تطعهما) لما سعد بن أبي وقاس أمه أقسمت مش هتأكل ومصعب أمه بدأت تحاربه لما بدء الصحابة يتحاربوا الكلام دا كان في أول الدعوة يا جماعة الكلام دا مكنش في آخر مكة الكلام دا كان في أول الدعوة . فجو المرحلة الجهرية جو قوي جدا ومشاكل بداية الطريق وبداية الإلتزام واضحة جدا جدا في سورة العنكبوت طب هي الصح إيه بقى؟ الصح إنها نازلة ؟ بداية نستفيد المرحلة الجهرية نازلة فيها مشاكل فالقرآن بيعالج المشاكل دي نستفيد من دا إيه؟

أنا قعدت كذا سنة في أول الإلتزامي عندي مشاكل مع أهلي في البيت ومشاكل تعارض ما بين الدراسة وما بين الدين وحضور الدروس ومشاكل عندي إستعجال بسرعة قلبي يتصلح وبسرعة أفهم وبسرعة أشتغل في الدعوة مش راضي أقبل إن لازم في منهجية ومش عايز أحفظ قرآن ومش عايز أطلب علم وعايز أنزل في الواقع وعايز أنزل في الدعوة على طول مش فاهم إن في تأهيل الأول فكان عندي مشاكل كتير جدا فكنت كل ما أروح لحد أكبر مني مكنش حد بيكلمني مكنش حد بيوجهني سنين من عمري ضاعت لأن مفيش حد عايز يوجهني مفيش حد عايز يوجهني مرحلة بداية الطريق دي اللي مليون مشاكل دي اللي 99% من الإنتكاس من الملتزمين والملتزمات بيحصل فيها كنت أعمل إيه؟

فسورة العنكبوت نازلة من أجل مرحلة بداية الإلتزام عشان كدا نجر بسورة العنكبوت ربنا مسبب مرحلة من مراحل الطريق إلا ونورهولنا عشان نتعلم إزاي نخوض الطريق إلى الله في كل مرحلة من المراحل طب السورة نزلت في الطريق لمكة الهجرة ؟ ولا بعد المرحلة الجهرية؟ يا جماعة في حاجة في أصول التفسير إسمها تكرر النزول زي سورة الفاتحة نزلت تاني في مكة ونزلت تاني في المدينة دا إسمه تكرر النزول فسورة

العنكبوت يا إخواني غالباً هتبقى تكرر النزول ليه؟ لأن الفتن ظلت طول الطريق والصحابة محتاجين إنهم ينجوا من الفتن طول الطريق هذا يدل إن القرآن تابع الصحابة طول بسورة العنكبوت طول الطريق ودا يدل إحنا محتاجين سورة العنكبوت وإن كلنا محتاجين سورة العنكبوت

طيب الأثر التغيري لسورة العنكبوت إيه؟

دا العنصر الثاني طبعا بعض السور هيبقى فيها عناصر زيادة سورة التغيير هيبقى فيها العنصر التغيري في سورة العنكبوت سلسلة رمضان القرآن غيرني هدف السلسلة أصلا قبل ما أسجلها بأيام قليلة جدا وكنت خلاص مش هدي السلسلة في رمضان لأننا مشغول جدا وسط الأخوة ومشغول جدا بتربية الأخوة كنت خلاص معنديش وقت أسجل سلسلة في رمضان وأنا قاعد مع بعض إخواني بنتدارس سورة العنكبوت كلمتهم عن الإعجاز التغيري في سورة العنكبوت قتلهم سورة العنكبوت دي كان في صحابة مش عايزين يهاجروا ولما نزلت هاجروا وكان في صحابة خايفين يعنوا دينهم لأحسن يتقتلوا فلما نزلت أعلنوا دينهم وكان في صحابة خايفين يشتغلوا في الدعوة فلما نزلت إشتغلوا في الدعوة فسورة العنكبوت قلبت التيار الديني سورة العنكبوت زلزلت قلب الأخوة والأخوات سورة العنكبوت خلتهم ميخافوش من أهل الباطل نهائيا كلمتهم عن الإعجاز القرآني في القرآن وإن أي داعية أو أي مربي حرام عليه يبقى عندنا المنهج المهول داهو وفي التغيير المنهج اللي بيغير الملوك واللي أسلم بسببه العالم كله حرام يبقى عندنا المنهج التغيري دا ونقعد نربي الأخوة على حاجات ملهاش دعوة بالقرآن كنت بقولهم إن لازم التربية تعتمد على القرآن ولازم الدعوة والنزول على القهاوي بالقرآن بالقرآن بنشرح لهم سورة النبأ بالقرآن ليه؟ القرآن يا جماعة خلاص ربنا دلنا ربنا أرشدنا نتوه نفسنا ليه؟ ونتوه الناس ورانا ليه؟ ونقعد ندي للناس الكلام الوعظي جميل وكل حاجة ولكن وإحنا بنشرح القرآن وإحنا بنشرح التفسير قتلهم الكلام دا فبدأت نكلم عن الإعجاز التفسيري للقرآن إستنبطنا فكرة القرآن غيرني اللي كانت عن الإعجاز التغيري في القرآن وإنه أعظم من الإعجاز العلمي وأعظم من الإعجاز البلاغي وأعظم من الإعجاز العددي أثر القرآن في تغيير أي أخ أو أي أخت فالإعجاز التغيري للسورة إن السورة غيرت نزلت على نفسية

الصحابه خلتهم أقوىة خلتهم ثابتين خلتهم يجهروا في الحق في وجه
الظالمين خلتهم يشتغلوا في الدعوة خلتهم يهاجروا مسخافوش لا على
الرزق ولا من أهل الباطل خلتهم ميتهددوش خلتهم مستمرين ثابتين
كالجبال.